

27 NOV 1997

LEBIH 5,000 PENDUDUK PERLIS BERHIMPUN SOKONG PERDANA MENTERI

KANGAR, 27 Nov (Bernama) -- Lebih 5,000 penduduk berbilang kaum dan agama petang ini berkumpul di padang Majlis Perbandaran Kangar (MPK) di sini bagi menyatakan sokongan mereka terhadap Perdana Menteri, Datuk Seri Dr Mahathir Mohamad.

Perhimpunan itu yang bermula pukul 4 petang dianjurkan bersama oleh Pergerakan Pemuda dan Wanita Barisan Nasional (BN) Perlis.

Menteri Pertahanan, Datuk Seri Syed Hamid Albar dan Menteri Besar Perlis, Datuk Seri Shahidan Kassim berucap pada perhimpunan yang berlangsung selama dua jam itu.

Kedua-dua pemimpin itu antara lain menyeru rakyat memberi sokongan padu kepada Dr Mahathir dalam menangani sebarang isu termasuk tekanan luar negara.

Mereka juga berharap rakyat akan seiringan dengan kerajaan dalam memastikan keamanan negara yang berterusan. -- BERNAMA

RIS oba